

A *rubá*

A *ntaño*

E deporte rey na Aruba



Si nos tin di referi y corda riba nos deporte rey den e tempo antaño di Aruba, nos memoria tin di guia nos den e tempo glorioso di nos mundo chikito den loke semper ta y tin di keda como nos deporte Rey cual ta futbol.

Futbol for di tempo cu nos hendenan por a cuminza haya nan añanan escolar, futbol tabata casi por ser bisa e unico deporte practica. Practica despues di e inicio di e prome team di futbol lantá door di Dominé Eybers.

For di tempo di fraternan y despues door di e freman, e terreno cu cadushi rond di dje, tabata continuamente ocupa cu e recreo di ban hunga bala. Awe nos no por bisa ban hunga bala, ya cu esaki por ser tuma tanto den volley, basket, baseball, zaal futbol, etc.. Riba e terreno unda awe nos tin La Salle College ta unda tur e alumnonan di St. Dominicus College a drenta den e practica di e deporte di futbol.

E tempo ayá e bala no tabata esun cu despues a ser yama bal'i bledi, sino bal'i spons. Esaki por a wanta debi cu e sumpinjanan no por a boré tal manera despues tabata socede cu e bal'i bledi. Despues a bin e veld unda parket ta situá awendia, y aki ta unda nos tabata tin e team di Vitesse, di cual ainda nos tin Sr. Dotty Arends, kende ta e portero was bieu na bida.

Un di e teamnan cu si esaki a keda den e deporte di futbol por a ser considera e mas bieu den e tempo aki, ta esun di Tappers. E team di ABC ta esun cu despues a bira RCA cu ya tin su cincuenta aña di existencia. Pa acompaña nos ARUBA ANTANO di awe, nos kier ilustra un grafico di aña 1946, unda cu Feyenoord pa prome biaha a yega Antillas, y a enfrenta e seleccion di Aruba, na Corsow cu a perde 4-3 pero tabata ganá for di e hulandesnan durante e celebracion di 25 aña di CVB.

Aruba su seleccion tabata ganá den e promer etapa di e partido. E grafico ta caminda Goi Franken, un di e recordado porteronan di Aruba Jrs. y e unico cu tabata respeta y hasta reta otro futbolista semper recorda den nos futbol, tanto arubano como antillano, cu tabata Chas Loefstok.

Futbol a ricibi cambionan grandi, y hasta ultimo e mas lamentable, pero cu e confianza y cu e boluntad y comprension di loke e ta y ta nifica, awor mas tanto cu nos ta miembro di FIFA despues di mas cu mei siglo di espera. E tabata ta y tin di keda como e deporte rey, ta di spera cu e comprension pa cu esaki, di ta e valor di un aporte pa su pueblo cual ta su deporte.